

ՀԻՆ ՀԱՅԱՍՏԱՆԻ ՍՅՈՒՆԱԶԱՐԴ ԴԱՀԻՃՆԵՐԻ ՀԱՐՑԻ ՇՈՒՐՁ

ԺՈՐԵՍ ԽԱՉԱՏՐՅԱՆ

Արաքսի ձախ ափից 70 մ հեռավորությամբ բացված Արտաշատ մայրաքաղաքի Ապոլոն-Տիրի տաճարի համակառույցի հելլենիստական հարթակի արևելյան պատի դիմացի սյունազարդ դահլիճը, հավանաբար, կառուցվել է Ապոլոն-Տիրի տաճարի հետ միաժամանակ: Մ. թ. 59 թ. ավերվելուց հետո, 60-ական թվականներին նույնությամբ վերականգնվել է: Պատերը շարված են տարբեր մեծության տձև որձաքարե քարերով՝ կավե շաղախի օգնությամբ: Հյուսիսային որմը համեմատաբար ավելի լավ է պահպանված (բարձր. 60–100 սմ, լայն. 80–100 սմ): Ուղղանկյուն դահլիճը արևելք-արևմուտք երկշար դասավորված ութ մույթերով է (առկա են յոթը, ութերորդն ավերվել է): Բաժանվել է երեք նավի: Կենտրոնական նավն ավելի լայն է (4,46 մ), քան եզրայինները: Հարավային նավի լայնությունը (3,30 մ) գերազանցում է հյուսիսայինին (2,55 մ): Մույթերն իրենց հատակագծային չափերով մոտենում են քառակուսուն (105 X 109 սմ, 104 X 110 սմ, 116 X 122 սմ): Կավե շաղախով շարված մույթերը III դ. սկզբին փոխարինվել են կրաշաղախով շինված և բազմերանգ որմնանկարներով հարդարված մույթերով: Վերջիններս IV դ. վերանորոգվել ու բարձրացվել են (տե՛ս հատակագիծը):


Եթե մույթերի թիվն ընդունենք չորս գույգ (արևելյան պատը դեռևս չի բացվել), ապա վերակազմությունից դահլիճի մակերեսը ներքուստ լինում է 250 քմ (լայն. 12,5 մ, երկ. 20 մ): Սակայն հնարավոր է այն դեպի արևելք շարունակվի և ունենա նաև խորջ՛ (աբսիդ): Սյունազարդ դահլիճները-բազիլիկները լուսավորվել են պատի վերին մասի նեղ լուսամուտներով՝

Արտաշատի դահլիճի տանիքը, ակներևաբար, եղել է թաղակապ: Տարածքում հայտնաբերված կղմինդրների բեկորները վկայում են, որ այն ունեցել է կղմինդրե ծածկ: Կենտրոնական չորս մույթերի հեռավորությունը իրարից ավելի է (4,46 X 3,95 մ), քան մյուսներինը, ուստի հնարավոր է, որ դահլիճի կենտրոնական հատվածի թաղը ավելի բարձր է եղել եզրայիններից և դահլիճը լուսավորվել է վերջինիս լուսամուտներով:

Ինչպես հայտնի է, բազիլիկները (հունարեն basilike, βασιλειο – արքայական տուն) Հունաստանում ծառայել են իբրև քաղաքացիական շինույթ-

¹ Ժ. Խ ա չ ա տ ր յ ա ն. Նորահայտ հեթանոսական տաճար Արտաշատ մայրաքաղաքում.– «Բանբեր Երևանի համալսարանի, Հասարակական գիտություններ, Հայագիտություն», 2010, -1(130), էջ 34-35, աղ. I, 1:

² Словарь античности. М., 1989, с. 69; Մ. Գ ա ա ր ջ յ ա ն. Ճարտարապետական և շինարարական տերմինների ռուս-հայերեն և հայ-ռուսերեն բացատրական բառարան, Երևան, 2007, էջ 31:



Արտաշատի Ապոլոն – Տիր տաճարի հատակագիծը
(չափագրությունը՝ ճարտարապետ Ա. Կանեցյանի)

յուն: Հռոմեացիների օրոք վերջիններս դասավորությունների, գործարքների, առևտրի և աշխարհիկ բնույթի այլ հավաքատեղիներ էին, որոնք կարելի է համադրել ժամանակակից բորսայի հետ: Այն ուղղանկյուն հասակագծով տարբեր քանակի (3–5) նավերով կառույց է³: Այդ են վկայում նաև Ապոլոն-Տիրի տաճարի տարածքից 2003–2009 թթ. պեղումներով հայտնաբերված բրոնզե դրամները (64 հատ.), որոնցից վաթսուներ գտնվել է դահլիճից և կից կառույցի⁴:

Անվանի գիտնական Կ. Ղաֆադարյանը գտնում է, որ «բազիլիկ անունը տրվում է նրանց ճարտարապետական կառուցվածքի համար..., որ նրանք իրենց ձևերով նման են արքայական հին գահասրահներին, իսկ բուն իմաստով եկեղեցիները չեն համապատասխանում իրենց այդ անվանը»⁵: Այսինքն՝ բազիլիկ անունն ինքն է վկայում սյունագարդ դահլիճների նախաքրիստոնեական (նախաեկեղեցիական) լինելը:

Հայաստանի վաղմիջնադարյան բազիլիկներն ուսումնասիրողները, տեղական նախաքրիստոնեական շրջանի ճարտարապետական հուշարձանների մեջ դրանց նախատիպերը չգտնելով⁶, այն համարել են բյուզանդական, սիրիական, փոքրասիական, միջագետքյան⁷ և այլն: Թ. Թորամանյանը գտնում է, որ վաղմիջնադարյան բազիլիկների ակունքները պետք է փնտրել հեթանոսական տաճարների մեջ⁸: Բազիլիկների մեջ ամենանախնական վիճակում պահպանված կառույցը համարվում է Քասաղինը⁹: Ալ. Սահինյանը, հետազոտելով Քասաղի բազիլիկան, նշում է, որ Քասաղի բազիլիկան գտնվում է Ապարանում, որը համարում է հայ Արշակունիների ամառանոցային նստավայրերից մեկը, իսկ բազիլիկան՝ նրանց աղոթատեղին¹⁰: Սահինյանը եզրակացնում է, թե «բազիլիկայի հիմնական կառուցվածքը առնչվում է նախաքրիստոնեական, իսկ հետագա հավելվածները՝ քրիստոնեական վաղ շրջանի ճարտարապետական արվեստի հետ»¹¹:

Այսինքն՝ ինչպես Շ. Տեր-Գևորգյանն է նկատել, «Վաղքրիստոնեական ճարտարապետության պատմությամբ զբաղվող գիտնականների մեծ մասը գտնում է, որ Հայաստանում նախքան քրիստոնեության ընդունումը՝ եռանավ բազիլիկի հորինվածքով մոնումենտալ շենքերի գոյությունը բացառված է, և միայն IV դարում կառույցի այդ տիպը ներմուծվեց Սիրիայից»¹²:

³ Словарь античности. Базилика, с. 69; *Մ. Գ ա ս ա ր ջ յ ա ն. նշվ. աշխ., էջ 31-32:*

⁴ Ժ. Խ ա չ ա տ ր յ ա ն. *Մոնումենտալ կառույցի մնացորդներ և ուշագրավ ծեսով թաղում Արտաշատից.*– ՊԲՀ, 2005, -2, էջ 224, 226, ն ու յ ն ի՝ Նորահայտ մոնումենտալ շինություններ Արտաշատից. – «Էջմիածին», 2007, հունվար, էջ 31, 38, 43, Ժ. Խ ա չ ա տ ր յ ա ն, Ա. Կ ա ն ե ց յ ա ն. *Արտաշատի 2005–2006 թթ. պեղումների արդյունքները.*– Հին Հայաստանի մշակույթը, XIV, էջ 227, Ռ. Վ ա ր դ ա ն յ ա ն. Պղնձե դրամների գանձ՝ Արտաշատի հնագիտական պեղումներից. – «Հանդես Ամսօրյա», 2009, -1-12, էջ 33-66:

⁵ Կ. Ղ ա ֆ ա դ ա ր յ ա ն. *Դվին քաղաքը և նրա պեղումները, II*, Երևան, 1982, էջ 93:

⁶ Հելլենիստական և ուշ անտիկ շրջանի ոչ մի հուշարձան դեռևս պեղված չէր:

⁷ Այդ մասին գրականությունը տե՛ս Ալ. Ս ա հ ի ն յ ա ն. *Քասաղի բազիլիկայի ճարտարապետությունը*, Երևան, 1955, էջ 5-20:

⁸ Թ. Թ ո ր ա մ ա ն յ ա ն. *Տեկորի տաճարը*, Թիֆլիս, 1911, էջ 76-77:

⁹ Նույն տեղում:

¹⁰ Ալ. Ս ա հ ի ն յ ա ն. նշվ. աշխ., էջ 236:

¹¹ Նույն տեղում:

¹² Շ. Տ ե ր - Գ և ո ր ց յ ա ն. *Հայաստանի և Սիրիայի վաղքրիստոնեական ճարտարապետության առնչությունները*, Երևան, 2000, էջ 224:

Մինչդեռ Հայկական լեռնաշխարհի վերջին հիսունամյակի ուրարտական, հին հայկական և միջնադարյան հուշարձանների պեղումների արդյունքներն այլ բան են ցույց տալիս: Դեռևս մ. թ. ա. VIII–VII դդ. ուրարտական ճարտարապետության պալատական կառուցներում երևան են գալիս հանդիսավոր ընդունելությունների, պաշտոնական արարողությունների համար նախատեսված սյունազարդ դահլիճներ՝ շուրջը կառուցված այլ նպատակների ծառայող սենյակներով¹³: Այդպիսին է Արգիշտիխինիլի արևմտյան բլրի հատակագծի հիմքում ընկած երկարավուն քառանկյուն երկշար տասական սյուներով դահլիճը, որի սյուները բազալտե խարխիսների վրա հենված գերաններ են եղել (տր. 50 սմ): Դահլիճի պատերի երկայնքով 52 սմ լայնությամբ, 50 սմ բարձրությամբ հում աղյուսե նստարաններ են տեղադրված (մ. թ. ա. 776 թ.)¹⁴: Նման սյունազարդ դահլիճ է բացվել Ռուսախինիլիում (Բաստամ)՝ Մակվից ոչ հեռու: Ի տարբերություն Արգիշտիխինիլիի դահլիճի, այստեղ յոթական երկշար սյուներ են¹⁵, Մենուախինիլիում (Թաշբուրան, Ցոլակերտ)՝ հնգական երկշար սյուներով¹⁶:

Սյունազարդ դահլիճներ են հայտնաբերվել նաև Ալթին Թեփեում (ոսկե բլուր)՝ Ճմին գյուղի մոտ, Երզնկա քաղաքից 26 կմ դեպի արևելք, ուրարտական I շերտում չորսական երկշար սյուներով¹⁷ (լրիվ բացված չէ): Երկրորդ շերտի վեցական եռաշար սյունազարդ դահլիճը, որը Թ. Օզգյուչը համարում է մ. թ. ա. VII դ. երկրորդ կեսի կառույց¹⁸, չի կարող ուրարտական մշակույթին վերաբերել, քանի որ այն մասամբ ծածկում է մ. թ. ա. VIII դ. երրորդ կեսի հիպոստիլ դահլիճով ուրարտական տաճարը: Անկասկած, սյունազարդ դահլիճը կառուցված է ավելի ուշ, արեմենյան շրջանում, ինչպես Էրեբունիում: Ճմինի երկրորդ շերտին պատկանող դահլիճից հայտնաբերված խեցեղենը բնորոշ է հետուրարտական Գառնիի, Արմավիրի, Արտաշատի վաղ հայկական և հելլենիստական խեցեղենին¹⁹: Հավանաբար,

¹³ Գ. Ա. Տիրացյան. Ուրարտու և Հայաստան (նյութական մշակույթի առնչությունների շուրջը).– ՊԲՀ, 1978, -1, էջ 45:

¹⁴ А. А. Мартиросян. Архитектура. Ереван. 1974, с. 79, 82, рис. 11, 30; Կոբրուն Ղաֆարյան. Արգիշտիխինիլի քաղաքի ճարտարապետությունը (1962–1976 թթ. պեղումների նյութերով), Երևան, 1984, էջ 68–71, գծ. 8, 21, լուսանկար 12:

¹⁵ W. Kleiss. Urartäische Architektur, Urartu: Ein Wiederentdecker Rivale Assyriens. München, 1976, Fig. 20; Հ. Ավետիսյան, Ա. Բոբոխյան. Ուրարտուի հնագիտություն (ամրոց-բնակավայրեր և դամբարանային համալիրներ), Երևան, 2010, նկ. 27 (ա), Գ. Ա. Տիրացյան. նշվ. աշխ., էջ 45, Հայկական ճարտարապետության պատմություն, հ. I, Երևան, 1996, աղ. 17:

¹⁶ Հ. Ավետիսյան, Ա. Բոբոխյան. նշվ. աշխ., 36^ա գ, էջ 26:

¹⁷ Նույն տեղում, էջ 58–62, Մ. Բուրայեյան. Ուրարտական մի հուշարձան Երզնկայի մոտ.– ՊԲՀ, 1967, № 4, էջ 312, G. D. Summers. Archaeological Evidence for the Achaemenid Period in Eastern Turkey.– Anatolian Studies, vol. XLIII, 1993, p. 90–94, fig. 2, 3.

¹⁸ T. Ozgüç. Altintepe Architectural Monuments and Wall Paintings. Ankara, 1966, p. 12.

¹⁹ Ժ. Խաչատրյան. Մ. թ. ա. VII–I դարերի խեցեղենի բնորոշ մի ձև.– ՊԲՀ, 1970, -2, էջ 273, G. D. Summers. նշվ. աշխ., էջ 86–94, fig. 2, 4, 6.

այդ նպատակին է ծառայել Էրեբունիի պալատական համալիրի սյունազարդ բակը (30 սյուներով)²⁰:

Հնագետներ Ե. Շմիդտը և Դ. Ստրոնախը, որոնք ուսումնասիրել են Պարսկաստանի Պերսեպոլիսի և Շոշի (Սուգա) սյունազարդ դահլիճները, նշում են, որ ապադանան (Apadana) բնորոշ է արեմենյան մշակույթին, և որ հին պարսկերենում այդ տերմինով են կոչում ընդունելությունների դահլիճները²¹: Մինչդեռ հայտնի է, որ Ուրարտուն իր ազդեցությունն է ունեցել Արեմենյան մշակույթի վրա, եղել է Պարսկաստանի ճարտարապետության ձևավորման ակունքներից մեկը (Պերսեպոլիս և այլն)²², որովհետև այն համարվում է խորթ արեմենյան ճարտարապետությանը:

Սյունազարդ դահլիճ է բացվել Գյումրի-Երևան ճանապարհի աջ կողմում, Բենիամին բնակավայրի մոտ: Հյուսիս-հարավ կողմնորոշումով ուղղանկյուն դահլիճում (19,5 X 9,5 մ) հայտնաբերվել է կրաքարե վեցական երկշար տորաձև խարիսխ, որով սրահը բաժանվել է երեք, զրեթե հավասար նավերի: Կենտրոնական սյունների թռիչքը ավելի մեծ է (3,9 մ), քան հարավային և հյուսիսային կողմերի սյուներինը (2,7 մ): Պատերը կառուցված են երկձակատանի մեծ ու միջին չափերի ձեղքված որձաքարերով՝ կավե շաղախի օգնությամբ (լայն. 1,1–1,2մ, պահպանված բարձրությունը 1,2–1,7 մ)²³: Ենթադրվում է, որ դահլիճի երկայնական եզրային հատվածներն ունեցել են հարթ ծածկ, իսկ կենտրոնականը թաղակապ է եղել²⁴, և 12 սյուները խորհրդանշում են տարվա 12 ամիսները, «որը հայկական օրացույցով արեգակնային էր»: Դահլիճը թվագրվում է մ. թ. ա. I դարով և համարվում է պաշտամունքային՝ նվիրված Անահիտ–Աստղիկ–Վահագնին²⁵: Թեև հիշատակվում է Կ. Ղաֆադարյանի կարծիքը Դվինի սյունասրահի վերաբերյալ, թե «Սկզբնաղբյուրները վկայում են, որ գահասրահը սոսկ պաշտոնական ժողովատեղի չէր: Այն միաժամանակ եղել է ճաշկերույթների և արքայական խրախճանքների պաշտոնական սրահ»²⁶: Կարծում ենք, բերված փաստարկները դահլիճի պաշտամունքային շինություն լինելու օգտին չեն խոսում: Սյունազարդ դահլիճները, սկսած ուրարտական շրջանից, ինչպես վերը տեսանք, ծառայել են որպես աշխարհիկ կառույց:

²⁰ И. Д. Лосев. Новые археологические исследования отряда ГМИИ им. Пушкина.– Советская археология, 1958, № 2, с. 194–195, рис. 1, 17; К. Н. Оганесян. Арин-берд I, Археологические раскопки в Армении, № 9. Ереван, 1961, с. 42, рис. 14.

²¹ E. F. Schmidt, I. Term, D. Stronach, II. Building. 'APADANA'.– Encyclopaedia Iranica; Հ. Հակոբյան. Հին Հայաստանի սյունազարդ դահլիճները.– Խաղիյան Զորությամբ..., Հոդվածների ժողովածու նվիրված Բ. Պիոտրովսկու 100-ամյակին, Երևան, 2010, էջ 165, ծնթ. 22:

²² К. Л. Оганесян. Кармир Блур. IV. Архитектура Тейшебаини. Ереван, 1955, с. 71, 98; он же. Арин-берд I, с. 88; R. Ghirshman. Iran. München. 1964, P. 223–296; Ժ. Դ. Խաչատրյան. Հայաստանի անտիկ շրջանի պաշտպանական կառույցները.– ՊԷՀ, 1987, -4, էջ 163:

²³ Հ. Խաչատրյան. Բենիամինի անտիկ դաստակերտի հեղինիստական ժամանակաշրջանի ճարտարապետությունը.– Գիտական աշխատություններ, II, Գյումրի, 1999, էջ 48–52, նկ. 1, 3, 5:

²⁴ Նույն տեղում, էջ 48, 53, 55:

²⁵ Նույն տեղում, էջ 55–59:

²⁶ Կ. Ղաֆադարյան. Դվին քաղաք..., էջ 92:

Տվյալ դեպքում սյունների քանակը²⁷ ոչ մի նշանակություն չունի, որովհետև սյունազարդ սրահներում դրանց թիվը տարբեր է: Սյունների քանակը պայմանավորված էր դահլիճի մեծությամբ: Դրանք կրող կոնստրուկցիաներ են, կրճատում են ծածկի թռիչքը, կրում են ծածկի ծանրությունը:

Շ. Տեր-Պետրոսյանը, իր «Հայաստանի և Սիրիայի վաղաքրիստոնեական ճարտարապետության առնչությունները» աշխատության մեջ նշում է Բենիամին գյուղի մոտ բացված պալատական համալիրի I դ. սրահի մասին, բայց չի խոսում դրա պաշտամունքային բնույթի մասին²⁸: Փալով Բենիամինի սյունազարդ դահլիճի հարևանությամբ բացված աղբահորից հայտնաբերված հույս կավե տափողակի նման «ծանրոց»-ներին, ապա դրանք պարզապես օգտագործվում էին որպես կնքադրոշմի նյութ²⁹: Այդպիսիք մեծ քանակությամբ հայտնաբերվել են Արտաշատից³⁰:

Սյունազարդ դահլիճ է հայտնաբերվել նաև Դվինում: Ուղղանկյուն սրահը (ներքուստ 28,90 մ X 12,50 մ), արևելք-արևմուտք չորսական երկշար դասավորված սյուններով բաժանվում է երեք նավերի, որոնցից կենտրոնականն ավելի լայն է (6,30 մ) եզրայիններից: Կենտրոնական նավի արևելյան կեսում պահպանվել է գահավորակի մնացորդը: Համաձայն ենք դահլիճի (գահասրահի) աշխարհիկ կառույց լինելու Կ. Ղաֆադարյանի կարծիքին, չենք կիսում, սակայն, նրա կառուցումը Խոսրով Կոտակին վերագրելու տեսակետը: Թեև անվանի գիտնականը հիշատակում է Փավստոս Բուզանդին, որն «Արշակունյաց գահասրահն անվանում է «Տաճար ուրախութեան», ուր ճաշկերույթներ են տեղի ունեցել բոլոր իշխանների մասնակցությամբ»³¹, բայց չի նշում՝ ո՞ր մայրաքաղաքին է այն վերաբերվում: Ամեն դեպքում, կարծում ենք՝ ոչ Դվինին. «Եւ այլ յայսմ ազգաց և ի խոնարհ որ գործակալս անուն բաղձիւք առաջի արքային պատիւ ի գլուխ բազմէին թող զնահապետս մեծամեծս և զտանուտեարս՝ որք գործակալք միայն էին, ինն հարեր բարձ՝ որ մատներ ի ժամ տաճարին ուրախութեանն բազմակալացն կարգելոց. թող զոտնկայս գործակալութեանն սպասու»³²:

Խոսրով Կոտակի օրոք Արտաշատը շարունակում էր մնալ երկրի գլխավոր մայրաքաղաքը, կար նաև երկրորդ մայրաքաղաքը՝ Վաղարշապատը, ուստի, ընդամենը 7–8 տարի թագավորած, պատերազմներով և քաղաքական բուռն անցուղարձերով ժամանակաշրջանում նա չէր կարող նոր մայրաքաղաք կառուցել:

²⁷ Փ. Тер-Мартиросов. Типология колонных сооружений Армении ахеменидского периода.– Գիտական աշխատություններ, III, Գյումրի, 2000, էջ 20–21, Հ. Հ ա կ ո բ յ ա ն. նշվ. աշխ., էջ 165:

²⁸ Շ. Տեր-Պետրոսյան. նշվ. աշխ., էջ 225:

²⁹ Հ. Խաչատրյան. նշվ. աշխ., էջ 58:

³⁰ Ж. Д. Х а ч а т р я н, О. Н е в е р о в. Архивы столицы древней Армении. Арташата.– Археологические памятники Армении, ¹ 20. Ереван, 2008, с. 14.

³¹ Կ. Ղաֆադարյան. Դվին քաղաքը..., էջ 92:

³² Փ ա լ ո ս տ ո ս ի Բ ի լ զ ա ն դ ա ց ի յ Պատմութիւն Հայոց (այսուհետև՝ Փ ա վ ս տ ո ս Բ յ ո լ զ ա ն դ), Թիֆլիս, 1912, IV, Բ (2)

Ըստ Գրիգոր Խալաթյանցի՝ Իբրև քաղաք Դվինը դեռևս անծանոթ է Ազաթանգեղոսին և Փավստոսին: Նա ասում է, թե Արշակունի թագավորների մայրաքաղաքը մինչև V դ. առաջին քառորդի վերջ բացառապես Վաղարշապատն էր³³: Այսինքն՝ եթե Արտաշատը մայրաքաղաք չէր Դվինից առաջ, Արշակունիներն իրենց նստավայրը չէին կարող Դվինը դարձնել³⁴: Գրեթե նույն բանն է ասում Ն. Մառք. թե Դվինին վերաբերող վկայությունները ժամանակագրական սխալ են, քանի որ այն այդ ժամանակ իբրև քաղաք հիմնադրված չէր³⁵:

Մովսես Խորենացին Փավստոս Բուզանդին չի հիշատակում, սակայն, Դվինին վերաբերող նրա հաղորդումից ելնելով, ինքն էլ է Դվինի հիմնադրումը կապում Խոսրով Կոտակի հետ և հավելում, թե վերջինս արքունիքը փոխադրեց այնտեղ, որովհետև, իբր, Մեծամորը հունը փոխել էր, և Արտաշատի մերձակայքում ճահիճներ էին առաջացել: Միաժամանակ նշում. «Իսկ սորա զբաջութենէ և զբարի յիշատակաց անփոյթ արարեալ՝ զբոսանաց և հաւորսութեանց և այլոց որսաց անտառ առ Ազատ գետովն տակ է, որ յանուն նորա կոչի մինչև ցայսօր ժամանակի»³⁶:

Արտաշատի տեղադրության հարցը քննարկելիս՝ Աս. Շահնագարյանն ու Հ. Եղիազարյանն ուսումնասիրել են Դվինի և Արտաշատի միջև ընկած տեղանքը, Մեծամորի ու Արաքսի հավանական հուները, մ. թ. ա. II դ. դրանց միախառնվելու վայրը: Աս. Շահնագարյանի կարծիքով՝ Մեծամորը հունը փոխել է VI դ. ոչ շուտ³⁷:

Տեղին է հիշատակել նաև որոշ այլ փաստեր: Փավստոս Բուզանդը, Շապուհ II կողմից 368 թ. Հայաստանի քաղաքներն ավերելու և բնակչությանը գերեվարելու մասին վկայելիս, «Արտաշատ մեծ քաղաք»-ի ավերածությունը նկարագրելուց հետո նշում է Վաղարշապատը, իսկ Դվինը չի հիշատակում. «Առնուին և զՎաղարշապատ քաղաք, քաղէին բրէին զքաղաքն ի հիմանց տապալէին, և խաղացուցանէին յայնմ ևս քաղաքէ իննն տասն երդս հազար»³⁸:

Չնայած ավերածություններին և բնակչության գերեվարությանը՝ 387 թ. Մեծ Հայքի բաժանումը Պարսկաստանի և Բյուզանդիայի միջև ու դրանից հետո պարսկական մասի մայրաքաղաքը շարունակում է մնալ Վաղարշապատը: Պատահական չէ, որ Մեսրոպ Մաշտոցը գրերի գյուտից հետո,

³³ Г. Халатянц. Армянские Аршакиды в «Истории Армении» Моисея Хоренского. Опыт критики источников. Ч. 1. М., 1906, с. 201–202; Ас. Шахназарян. Двин, историко-географический очерк. Ереван, 1940, с. 7–25.

³⁴ Նույն տեղում:

³⁵ Ն. Մառք. Մկրտություն Հայոց, Վրաց, Աբխազաց և Ալանաց ի սրբոյն Գրիգորէ, թարգմանեաց ի հայ Յուսիկ արքեպիսկոպոս, Վաղարշապատ, 1911, էջ 72, Գ. Ղաֆադարյան. Դվին քաղաքը ..., էջ 137:

³⁶ Մովսիսի Խորենացու Պատմություն Հայոց, աշխատութեամբ Մ. Արեղեան եւ Ս. Յարությունեան, Տփղիս, 1913, IV (ը):

³⁷ Ас. Шахназарян. Указ. раб., 8–14; Ալ. Շահնագարյան. Սև ջրի (Մեծամորի) ստորին հոսանքի ուղղությունը նախկին դարերում.– ԳԱ հայկական ֆիլիալի տեղեկագիր, 1941, -2, էջ 7-13, քարտեզը՝ էջ 12, նույն ի՝ Արտաշատ, Պատմա-աշխարհագրական տեսություն.– ՀՄՄԲ ԳԱ պետական-պատմական թանգարան, «Աշխատություններ», 1952, -4, էջ 151-164, Ժ. Խաչատրյան. Հին Արտաշատի տեղադրության հարցի շուրջ.– Հին Հայաստանի պատմության և մշակույթի հարցեր, Երևան, 2001, էջ 42-48:

³⁸ Փավստոս Բյուզանդ, IV, 55 (Ծե):

երբ Ասորիքից վերադարձավ Հայաստան և մոտեցավ Արտաշատ մայրաքաղաքին, Վռամշապուհ թագավորը նախարարների հետ նրան դիմավորեցին Արաքսի ափին՝ Տափերական կամրջի մոտ, որից հետո ուրախության ձայներով, հոգևոր երգերով և օրհնություններով վերադարձան մայրաքաղաք Վաղարշապատ ու մեծ տոնախմբություն կազմակերպեցին³⁹:

Դվինը մայրաքաղաք դարձել V դ. վերջին, երբ Վահան Մամիկոնյանը ստանձնեց մարզպանությունը և կաթողիկոսական նստավայրը Վաղարշապատից տեղափոխվեց Դվին: Մենք մեր աշխատություններում⁴⁰ մանրամասն անդրադարձել ենք այդ հարցին և չենք ուզում կրկնել: Ասենք միայն, որ Դվինի միջնաբերդի գագաթին բացված սյունազարդ եռանավ դահլիճը եղել է մարզպանական պալատի մեջ մտնող հանդիսավոր ընդունելությունների և աշխարհիկ այլ միջոցառումների սրահ:

Կարծիք կա նաև, որ այս «Շինությունը կառուցվել է IV դարի 30-ական թ. հետո, ոչ ուշ, քան նույն դարի վերջը, վերակառուցվել է V-VI դդ., ավերվել է 640 թ. արաբների կողմից: Այն պաշտամունքային կառույց է, հայ-ասորական ճարտարապետական փոխհարաբերությունների արդյունք»⁴¹: Որպես հիմնավորում վկայակոչվում է կենտրոնում գահավորակի առկայությունը, ներսում կատարված թաղումների փաստը և թևավոր խաչերի գոյությունը: Ինչ վերաբերում է կառուցման ժամանակին, ապա այդ մասին վերն ասվեց:

Պալատական համակառույցների մեջ մտնող եռանավ սյունազարդ դահլիճում գահավորակի առկայությունը միանգամայն բացատրելի է: Արքայի կամ մարզպանի ընդունելությունների դահլիճում գահը տեղադրված պետք է լիներ հատուկ առանձնացված, մշտապես անշարժ (ստացիոնար) վիճակում: Բնականաբար, այն կենտրոնից ավելի հետ պետք է լիներ և ազատ, որպեսզի արքան անարգել կարողանար մոտենալ ու արքունիքի անդամները կանգնեին, իսկ երկու կողքերից մինչև դիմացի մուտքը, ըստ զրաված դիրքի, շարվեին պաշտոնյաները: Դվինի դահլիճի գահավորակի տեղը հարմար չէ եկեղեցուն: Եկեղեցին պետք է ունենար խորան (արսիդ), իսկ բարձրաստիճան հոգևորականի համար տեղադրված գահավորակը պետք է ուղղված լիներ խորանին և ոչ հեռու: Թաղումները կարող էին պատկանել VII դ., երբ սրահն ավերված էր: Եվ, վերջապես, IV դարում դեռ Դվինը քաղաք չէր և, ամեն դեպքում, այդքան բնակչություն չուներ, որ իրար այդքան մոտիկ, հսկայական մեծության երկու եռանավ եկեղեցի ունենար, այն էլ մեկը ասորադավան, մյուսը՝ հելլենական:

Շ. Տեր-Վեորգյանը, որը հատուկ զբաղվել է Հայաստանի և Սիրիայի վաղ քրիստոնեական բազիլիկ եկեղեցիների ուսումնասիրությամբ և ծանոթ է նաև Դվինի միջնաբերդի գագաթի եկեղեցի համարվող սյունազարդ դահլիճին, գտնում է, որ «Վաղ միջնադարի Հայաստանի եկեղեցական

³⁹ Կ ո ղ յ ո Ւ ն. Վարք Մեսրոպ Մաշտոցի, աշխատությամբ Ա. Մաթևոսյանի, Երևան, 1991, էջ 91-92:

⁴⁰ Տե՛ս Ժ. Խ ա չ ա տ ռ յ ա ն. Արտաշատի «Երազամոյն» վայրի տաճարը և կից համալիրները.– ՊԲՀ, 2009, -1, էջ 138. ծնթ. 48-ում թվարկված են այդ աշխատությունները:

⁴¹ Ա. Ա. Ք ա լ ա ն թ ա ռ յ ա ն, Կ. Կ. Ղ ա Ֆ ա դ ա ռ յ ա ն. Դվինի վաղմիջնադարյան մոնումենտալ ճարտարապետության որոշ հարցեր.– ՊԲՀ, 1990, -1, էջ 143-146, աղ. II, 1, 2, նկ. 1:

միակ շենքը, որը թե՛ հորինվածքում, թե՛ մանրամասներում ու հարդարանքում ունի սիրիական ճարտարապետության ակնհայտ ազդեցությունը, Երերույքի բազիլիկն է: Մակայն այս ազդեցությունը չի բերել հորինվածքի բացարձակ նույնության»: Դրանք «...տարբեր գեղարվեստական սկզբունքներով կերտված ստեղծագործություններ են»⁴²: Նա համարում է, որ Երերույքի բազիլիկը եզակի է հայկական վաղքրիստոնեական եկեղեցական կառույցների մեջ, որ գիտնականները ոչ մի հիմք չունեն Երերույքի օրինակից էլնելով սիրիական ճարտարապետության ազդեցությունը տարածել Հայաստանի վաղքրիստոնեական եկեղեցական ճարտարապետական բոլոր կառույցների վրա, որ Հայաստանի և Միջին Արևելքի այդ շրջանի ճարտարապետությունը առանձին, ինքնուրույն դպրոցներ են⁴³:

Այժմ անդրադառնանք Հայաստանում քրիստոնեությունը պետական կրոնի հռչակմանը, քանի որ այն անմիջականորեն կապ ունի խնդրո առարկայի հետ: Քրիստոնեական գաղափարները նոր չէին Արևելքում: Աստծո որդու աշխարհ գալու և իր տանջանքներով աշխարհն ու մարդկանց մեղքերը քավելու փրկչաբանական ուսմունքը բնորոշ էր հինարևելյան շատ կրոնների: Այդպիսին էին մեռնող և հառնող աստվածների (Կիբելա-Ատտիս, Բշտար-Թամուզ, Բզիդա-Օզիրիս, Աֆրոդիտե-Ադոնիս և այլն) կրոնները: Քրիստոնեությունը ձևավորվեց արևելյան այդ միջավայրում և դրանց ազդեցության տակ: Մեռնող ու հառնող աստվածների դեմ մղած անհաշտ պայքարի ընթացքում քրիստոնեությունը նրանցից շատ բան վերցրեց, որն էլ նպաստեց նրա հաղթանակին: Մեռնող և հառնող աստվածների տառապանքներն ու տանջանքները շատ մարդկային էին: Նրանք մեռնում էին, որպեսզի նորից հարություն առնեին՝ պայծառ, երջանիկ կյանքի համար⁴⁴:

Քրիստոնեությունը ոչ մի կրոնի դեմ այդպիսի համառ ու ծանր պայքար չի մղել, ինչպես միջրայիզմի: Միևիդը կապված էր լույսի, երկնքի, արևի հետ, ուստի ամեն ինչի ստեղծողն ու արարիչն էր: Նրա պաշտամունքը տարածված էր Միջին Ասիայից, Հյուսիսային Հնդկաստանից մինչև Ատլանտյան օվկիանոս:

Նկատենք, որ Միևիդի պաշտամունքը խոր արմատներ է թողել հայ իրականության մեջ: Այդ են վկայում տարբեր վայրերում կառուցված տաճարներն ու սրբավայրերը: Միևիդի պաշտամունքն ու առասպելն արտացոլվել է նաև հայկական ժողովրդական էպոսում, ուր Մեերը Միևիդն է⁴⁵: Էպոսում լույսի՝ Մեեր-Միևիդի կռիվն է խավարի, վիշապների ու դևերի դեմ՝ աշխարհի փրկության և արդարության համար: Առյուծ Մեերը Առյուծ արևն է:

⁴² Շ. Տ ե ր - Գ և ր ր Գ յ ա ն. նշվ. աշխ., էջ 262:

⁴³ Նույն տեղում, էջ 262-263:

⁴⁴ А. К у н. Предшественники христианства (Восточные культы в Римской империи). М., 1922, с. 112-113.

⁴⁵ И. А. О р б е л и. Армянский героический эпос. Ереван, 1956, с. 120-127. Թ. Ա վ դ ա լ ր է Գ յ ա ն. Միևիդ հայոց մեջ. - «Հայագիտական հետազոտություններ», Երևան, 1969, էջ 13-29, 43:

Միերը նույնպես ժայռածին Միհրի նման փակվում է վիթխարի քարածայրի՝ Ագռավի քարի մեջ⁴⁶:

Ջարգացող ֆետոլալիզմի պայմաններում հեթանոսական կրոնն այլևս ի գորու չէր միավորող դեր կատարել: Կրոնագաղափարախոսական ուսմունքներից դա կարող էր լինել միայն օրեցօր ուժեղացող, լայն տարածում ստացած քրիստոնեությունը, որի հաղթանակը դարձի նախօրեին արդեն ապահովված էր: «Քրիստոնեությունը համա-մարդկային կրոն, հոգևոր արժեհամակարգ էր, ինչն էլ ընդունելի էր դարձնում ամե-նատարբեր սոցիալական խավերի և ժողովուրդների համար»⁴⁷:

Քրիստոնեությունը պետական կրոնի հռչակումը առաջին քայլն էր նոր կրոնի տա-րածման ճանապարհին: Քրիստոնեությունը III դարում լայնորեն տարածված էր Եդե-սիայում և Հռոմեական կայսրության արևելյան մարզերում, Կապադովկիայում, Կիլի-կիայում, ըստ որում՝ սոցիալական տարբեր խավերի մեջ: Այն բացահայտ կամ գաղտ-նի ձևով տարածված էր Փոքր Հայքի զինվորականության (Նիկոպոլիսի հայկական լե-գեոնների) շրջանում, քաղաքային բնակչության մեջ⁴⁸ և այլն: Եվ ինչպես իրավագիտորեն ենթադրվում է, եթե հռոմեական կայսրերի հալածանքները չլինեին, քրիստոնեությունն այնտեղ կարող էր պաշտոնական կրոն դառնալ նույնիսկ III դ. երկրորդ կեսին⁴⁹: Մակայն Մեծ Հայքում ժողովրդի կողմից այն անվերապահորեն չըն-դունվեց: Վերնախավի և հասարակ ժողովրդի զգալի մասը երկար ժամանակ շարու-նակում էր հետևել դարավոր արմատներ ունեցող հեթանոսական ավանդույթներին: Այսինքն, ժողովուրդն անմիջապես չհրաժարվեց հեթանոսական աստվածներից ու խորհրդանշաններից: Այդ են վկայում ինչպես գրավոր աղբյուրները, այնպես էլ հնա-գիտական պեղումները⁵⁰:

V դարը շրջադարձային եղավ Հայոց եկեղեցու և ժողովրդի կյանքում: Դարասկզբին ստեղծվեց հայոց այբուբենը, ծավալվեց թարգմանչական և ուսումնական լայն գործու-նեություն: Հայոց եկեղեցին անկախացավ, դարձավ ազգային: Կրոնափիլիսոփայա-կան միտքը մշակեց ու կանոնակարգեց նոր հավատի ողջ արարողակարգը, քրիստոն-յայի թաղման ձևն ու ձևերը, խաչակնքելու կարգը, խորհրդանշանները և այլն:

Ամենակարևոր խնդիրը, իհարկե, քրիստոնեական տաճարի հարցն էր, թե ինչպիսին պետք է լինեք այն: Քրիստոնեության գերակայությունը անհնարին էր դարձնում հակառակորդ կրոնների, առաջին հերթին լայն

⁴⁶ Կ. Մ է լ ի ք - Օ հ ա ն ջ ա ն յ ա ն. Միթրա-Միհրը Սասնա Ծռերի մեջ. - «Գրական-բանասիրական հետախուզումներ», գիրք Ա. Երևան, 1948, էջ 305-306:

⁴⁷ Կ. Մ ի թ ու մ յ ա ն. Քրիստոնեությունը հայ ժողովրդի պատմական ճակատագրում. - «Հայոց եկեղեցի և պետություն», Միջազգային գիտաժողովի նյութեր, Երևան, 2000, էջ 16, Ժ. Դ. Խ ա չ ա տ ռ յ ա ն. Իրանա-հայկական դիցաբանական աղերսների հարցի շուրջ. - ՀՄՄՀ ԳԱ «Լրաբեր հասարակական գիտությունների» (այսուհետև՝ ԼՀԳ), 1981, № 2, էջ 54-73:

⁴⁸ Ե. Տ ե թ - Մ ի ն ա ս յ ա ն. Հայոց Եկեղեցու հարաբերությունները ասորվո եկեղեցիների հետ, Ս. Էջմիածին, 1908, էջ 1-62, Հ. Բ ա թ թ ի կ յ ա ն. Քրիստոնեությունը Փոքր Հայքում. ազգային կրոնական և սոցիալ-քաղաքական իրավիճակը նահանգում III դ. II կեսին (ըստ IV դ. Սրբոյ վկայարանության). - ՊԲՀ, 2001, -2, էջ 3-43:

⁴⁹ Հ. Բ ա թ թ ի կ յ ա ն. նշվ. աշխ., էջ 32:

⁵⁰ Ժ. Խ ա չ ա տ ռ յ ա ն. Արտաշատը Հայոց դարձի նախօրեին և հետո. - «Էջմիածին», 2002, Ժ (հոկտեմբեր), էջ 54-67:

տարածում ստացած միթրայիզմի, պաշտամունքային կառույցների ճարտարապետական նվաճումների փորձի օգտագործումը: Մանավանդ հեթանոսական նշանավոր տաճարները նրանց կողմից, հիմնականում ավերվել էին: Ուստի ստիպված էին այն փնտրել ավանդական աշխարհիկ ճարտարապետական ձևերի մեջ: Զանգվածային հասարակական միջոցառումների համար ամենապիտանին ճանաչվեցին մի քանի նավերով սյունագարդ և միանավ դահլիճները⁵¹: Ինչպես վերը տեսանք, այդպիսի դահլիճներ Հայաստանում հայտնի էին դեռևս ուրարտական շրջանից (մ. թ. ա. VIII դ.) և կային մինչև քրիստոնեության ընդունումը: Բնականաբար, եկեղեցիների վերածվեցին արդեն գոյություն ունեցող այդօրինակ շինությունները: Այսինքն՝ դա ճարտարապետական այն ձևն էր, որը պիտանի էր քրիստոնյաների ամենօրյա մասսայական հավաքների համար: Ուստի, Հայաստանում և քրիստոնեությունը պետական կրոն հռչակած երկրներում այն դարձավ եկեղեցական կառույցի օրինակ: Հնարավորության դեպքում եղած սյունագարդ դահլիճների նեղ ճակատին ավելացրել են արսիդներ (խորշեր, խորաններ) բեմով:

Գրեթե նման կարծիքի է հանգել նաև Շ. Տեր-Փետրոսյանը: «Մեր կարծիքով քրիստոնեական պաշտամունքային սրահների վաղագույն օրինակներն իրենց սկզբնական շրջանում արսիդ չեն ունեցել, հետագայում, քրիստոնեությունը պետական կրոն հռչակելուց հետո, դրանց մի մասը ենթարկվել է բարեփոխումների, և ըստ նոր կրոնի պաշտամունքային օրենքի աստիճանաբար ավելացել են արսիդները (խորան), արսիդին կից սենյակները, ծածկված սյունասրահները և այլն: Հնարավոր է, շենքը այդպիսի կցումների համար հարմար չէ, այդ դեպքում դրանք մնում էին նույնը»⁵²:

Թ. Թորամանյանը բազիլիկների մեջ ամենանախնական վիճակում պահպանված կառույցները համարում է Քասաղինը և Տեկորինը⁵³: Ընդունում ենք Ալ. Մահինյանի տեսակետը, թե Քասաղի բազիլիկի հիմնական կառուցվածքը նախաքրիստոնեական է, իսկ բազիլիկը Արշակունիների ամառանոցի աղոթատեղին⁵⁴ լինելու կարծիքը համարում ենք անհավանական: Արքունական ամառանոցների աղոթատեղին չէր կարող այդքան մեծ լինել: Քասաղի բազիլիկը եղել է արքայի, տվյալ դեպքում Տրդատ III-ի ընդունարանը: Այդ շրջանում տաճարը պետք է լիներ հունահռոմեական տիպի, ինչպես Արտաշատինը և Գառնիինը, համեմատաբար փոքր շինություն: Դրա լավագույն օրինակը Արշակունիների Գառնիիի ամառանոցն է, որտեղ ամրոցի հրապարակի հարավային կողմում կառուցված է հունահռոմեական տիպի տաճարը, նրա արևմտյան կողմում՝ մեծ սրահը՝ ընդունարանը (10 մ X 20 մ), պալատական շենքը և հիպոկաուստով արքայական բաղնիքը⁵⁵:

⁵¹ Культура Византии IV– первая половина VII в.; А. И. К а м е ч. Архитектура. М., 1984, с. 575.

⁵² Շ. Տ եր - Փ ն ո թ ղ յ ա ն. նշվ. աշխ., էջ 252:

⁵³ Թ. Թ ո թ ա մ ա ն յ ա ն. Տեկորի տաճարը, Թիֆլիս, 1911, էջ 76-77:

⁵⁴ Ալ. Մ ա հ ի ն յ ա ն. նշվ. աշխ., էջ 236:

⁵⁵ Ա. Ա. Մ ա հ ի ն յ ա ն. Գառնիի անտիկ կառույցների ճարտարապետությունը, Երևան, 1983, էջ 49, նկ. 15:

Քասաղի և բազիլիկ մյուս շենքերի շրջակայքից հայտնաբերվել են հեթանոսական շրջանի քանդակագարդ քարեր, որոնք, ի սկզբանե, պատկանել են այդ շինություններին: Քրիստոնեական տաճարի վերածելիս հատուկ թողել են⁵⁶ կամ նորը կառուցելիս հեթանոսական տաճարի քարերից դրել են եկեղեցու հիմքում, սյան վրա⁵⁷ (խոյակ): Դա ընդունված երևույթ էր: Քասաղի խոյակի քանդակագարդ նիստերի պատկերները՝ կենաց ծառը, որն ընդհանրապես տարբեր հորինվածքներով վաղուց է հայտնի, ընդունվել և շարունակվել է նաև քրիստոնեական խորհրդանշաններում: Նույնը շրջանի մեջ վերցված հավասարաթև խաչը, սվաստիկան: Խաչը պատկերված է Հին Արևելքում, Ասիայում, Եգիպտոսում, Աֆրիկայում, Եվրոպայում և այլուր՝ պեղումներով հայտնաբերված, հնագույն ժամանակաշրջանների, տարբեր առարկաների վրա: Այն համարվել է աստծու նշան կամ աստծու հետ հաղորդակցվելու միջոց: Հռոմեական արվեստում խաչը տարբեր զարդերի տարր (էլեմենտ) էր (օրինակ՝ մեանդրը), վաղուց ի վեր կյանքի խորհրդանիշն ամփոփում էր իր մեջ: Խաչը նոր իմաստ ձեռք բերեց քրիստոնեության շրջանում՝ դառնալով հավիտենական կյանքի, տառապանքներից ազատողի սրբազան խորհրդանիշ և այլն⁵⁸:

Հայաստանում հավասարաթև խաչը և սվաստիկան հայտնի են մ. թ. ա. II հազարամյակի կեսերից: Դրանք պատկերված են խեցեղեն անոթների, զենքերի, զարդերի, հմայիլների վրա և համարվում են արևի խորհրդանիշը: Նույն իմաստն ունի նաև սայլերի խաչաձև⁵⁹ ու ավելի ձողերով անիվը⁶⁰:

V դարում սյունագարդ դահլիճների (եկեղեցիների) զանգվածային կառուցումը հանգեցրեց հորինվածքի հիմնաձևերի կայունացմանն ու տիպականացմանը, արևելյան կողմում արսիդով, ներքուստ կիսաշրջանաձև, բարձր բեմով, արտաքուստ հաճախ բազմանկյան տեսքով: Բազիլիկը V դարում դառնում է քրիստոնեական տաճարի տիրապետող ձև: Չնայած դրան՝ քրիստոնեությունը պետական կրոն հռչակված երկրներում (Բյուզանդիա, Սիրիա և այլն), այդ թվում նաև Հայաստանում, ճարտարապետությունը զարգանում էր հիմնվելով տեղական ավանդույթների վրա, ձեռք բերելով յուրահատուկ ինքնատիպ բնույթ: Սակայն մշակութային, կրոնական, հաճախ նաև քա-

⁵⁶ Գ. Հ ռ վ ս ե փ յ ա ն. Նյութեր և ուսումնասիրություններ հայ արվեստի և մշակույթի պատմության, Նյու Յորք, 1944, էջ 61, Վ. Գ ռ ի գ ռ յ ա ն. Աղցք գյուղի ճարտարապետական համալիրները. - ՊԲՀ, 2005, - 2, էջ 284-285. Գ. Գ ռ ի գ ռ յ ա ն. Հայկական քառանիստ կոթողների թվագրման խնդիրը. - ՊԲՀ, 2006, -3, էջ 230-243, նկ. 1,2:

⁵⁷ Н. М. Токарский. Архитектура Армении IV-XIV вв. Ереван, 1961, с. 36; Ա. Մ ա հ ի ն յ ա ն. Հայկական ճարտարապետությունը ստրկատիրական հասարակարգի ժամանակաշրջանում. - Ակնարկ հայ ճարտարապետության պատմության, Երևան, 1964, էջ 54, նկ. 16, ն ու յ ն ի՝ Հայկական ճարտարապետական մշակույթը հելլենիստական դարաշրջանում. - Հայ ժողովրդի պատմություն, հ. I, Երևան, 1971, էջ 851:

⁵⁸ Словарь античности, с. 291, рис. 1-8.

⁵⁹ Նույն տեղում, նկ. 6:

⁶⁰ А. А. Нейхардт. Происхождение Креста. М., 1956, с. 18; Հ. Ռ. Բ ուր ա յ ե լ յ ա ն. Արևի պաշտամունքի հետքերը բրոնզեդարյան Հայաստանում. - ԼՀԳ, 1967, -4, էջ 77-88, Ա ղ. I, 2: С. Е с а я н. Амулеты, связанные с культом солнца из Армении. - Советская археология, 1968, № 2, с. 255-260, рис. 1-3; Վ. Գ ռ ի գ ռ յ ա ն. նշվ. աշխ., էջ 284, ծնթ. 6, Գ. Գ ռ ի գ ռ յ ա ն. նշվ. աշխ., էջ 238, ծնթ. 9, նկ. 1, ա-գ:

դարական ընդհանրությունները հանգեցնում էին գեղարվեստական դարձումների հորինվածքային և դեկորատիվ ձևերի փոխազդեցության⁶¹:

К ВОПРОСУ О КОЛОННЫХ ЗАЛАХ ДРЕВНЕЙ АРМЕНИИ

ЖОРЕС ХАЧАТРИАН

Р е з ю м е

На расстоянии 70 м от левого берега р. Аракс, на восточной стороне стены эллинистической площадки храмового комплекса Михра–Аполлона–Тира (II в. до н.э.) в столице Арташат был открыт трехнефный колонный зал с ориентацией восток–запад с двумя рядами колонн и восемью пилонами (дл. 20,00 м, шир.–12,50 м). Колонные залы известны еще с урартского времени (VIII в. до н.э.) и существовали в дальнейшем. Это были постройки гражданского характера, входили в состав дворцового комплекса и служили для парадных приемов, пиров и празднеств. После провозглашения христианства государственной религией, он был принят в качестве самой функциональной среди архитектурных форм постройки для проведения массовых мероприятий. Колонные залы в V в. становятся господствующей формой христианского храма. В странах, провозгласивших христианство государственной религией (Византия, Сирия и др.), в том числе и в Армении, архитектура развивалась на основе местных традиций, приобретая самобытные черты. Однако, культурные, религиозные, часто также политические сходства приводили к взаимовлиянию композиционных и декоративных форм художественных школ.

TO THE QUESTON OF ANCIENT ARMENIAN COLUMNED HALLS

JHORES KHACHATRYAN

S u m m a r y

At the distance of 70 metres from the left bank of the river Araks, in the east side of the Hellenistic terrace of the Mihr-Apollon-Tyr temple complex (the 2nd c. B.C.) in the capital Artashat an East-West orientated three-nave columned hall was opened with two rows of columns and eight pylons (measuring 20m by 12.5m). Columned halls have been known since the Urartian period (the 8th c. B.C.) and existed henceforth. They were civil buildings which were parts of a Palace complex and served for parade receptions, feasts and festivals. After the adoption of Christianity as the state religion this type of halls was approved as the most efficient architectural type for large-scale events. In the 5th c. columned halls became a conventional type for Christian temples. In the states, where Christianity was adopted as the state religion (Byzantium, Syria, etc.) including Armenia, the architecture developed supporting local traditions, achieving specific characteristics. However, cultural, religious, and sometimes also political similarities brought to mutual influences in constructive and decorative styles of trends.

⁶¹ Культура Византии, IV, с. 577–578; Э. Бауэр. Армяне в Византийской империи и их влияние на ее политику, экономику и культуру. – II Международный симпозиум по армянскому искусству. Ереван, 1978, с. 1–15.